

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI SELASA, 22 MAC 2016, PUKUL 10.00 PAGI**

**Bil. 10**

---

**PERTANYAAN-PERTANYAAN BAGI JAWAB LISAN**

1. PR-1341-L72837  
**Ir. Shaharuddin bin Ismail [ Kangar ]** minta **MENTERI KEWANGAN** menyatakan berapakah jumlah golongan belia yang telah memiliki rumah sendiri berdasarkan "Skim Rumah Pertamaku" khususnya di negeri Perlis dan apakah terdapat sebarang usaha dalam mendukung hasrat Kerajaan iaitu "1Keluarga 1Rumah" dengan mengkaji semula syarat-syarat kelayakan pembelian rumah pertama dalam usaha untuk membantu golongan muda yang rata-ratanya berpendapatan RM2,500.00 dan ke bawah.
2. PR-1341-L73039  
**Tuan Loke Siew Fook [ Seremban ]** minta **MENTERI PELANCONGAN DAN KEBUDAYAAN** menyatakan apakah sasaran jumlah ketibaan pelancong dari China pada tahun ini ekoran daripada keputusan Kementerian untuk memberi pengecualian visa kepada pelancong-pelancong dari China dan apakah langkah-langkah yang diambil untuk mencapai sasaran tersebut.
3. PR-1341-L71739  
**Dato' Henry Sum Agong [ Lawas ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah kriteria untuk mendapatkan kelulusan bagi rumah mampu milik dan mesra rakyat dan berapakah jumlah yang sudah dilaksanakan di seluruh negara dan khasnya di negeri Sarawak.
4. PR-1341-L71990  
**Puan Teresa Kok Suh Sim [ Seputeh ]** minta **MENTERI WILAYAH PERSEKUTUAN** menyatakan projek pembangunan yang akan dibangunkan di Jalan Radin Anum 1 di Sri Petaling. Apakah perancangan Kementerian Wilayah Persekutuan untuk mengatasi masalah kesesakan trafik dan ketidakcukupan tempat letak kereta di pusat bandar Sri Petaling.
5. PR-1341-L72995  
**Puan Rubiah binti Haji Wang [ Kota Samarahan ]** minta **MENTERI DALAM NEGERI** menyatakan langkah jangka masa panjang serta tahap kesiapsiagaan pihak Kementerian dalam membanteras kes samun di rumah di negara kita.

6. PR-1341-L73156  
**Tuan Ahmad Baihaki bin Atiqullah [ Kubang Kerian ]** minta **PERDANA MENTERI** menyatakan apakah usaha yang telah dilakukan oleh Kerajaan dalam memperkasakan Jawatankuasa Fatwa Kebangsaan, bagi memastikan fatwa-fatwa yang dikeluarkan mempunyai kewibawaan dan diikuti.
7. PR-1341-L71921  
**Datuk Linda Tsen Thau Lin [ Batu Sapi ]** minta **MENTERI KERJA RAYA** menyatakan spesifikasi untuk jalan raya utama di kawasan perbandaran seperti Jalan Labuk dari KM.13 ke KM.24 di Sandakan dan mengapa jalan raya di kawasan perbandaran Sandakan cepat mengalami kerosakan.
8. PR-1341-L73302  
**Dato' Dr. Tan Kee Kwong [ Wangsa Maju ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah bantuan yang diberi oleh Kementerian untuk membantu masyarakat miskin yang semakin meningkat di negara ini.
9. PR-1341-L71866  
**Tuan Khoo Soo Seang [ Tebrau ]** minta **MENTERI KERJA RAYA** menyatakan apakah usaha yang dilakukan oleh Kementerian untuk memastikan kontraktor-kontraktor yang terlibat dalam pembinaan hospital atau kerja-kerja menaik taraf institusi kesihatan Malaysia mempunyai pengetahuan khusus dan mengelakkan masalah pembinaan tidak berkualiti.
10. PR-1341-L73250  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI PENDIDIKAN** menyatakan apakah objektif dan halatuju Pelaksanaan Program Dwibahasa (DLP) di sekolah terpilih.
11. PR-1341-L71666  
**Dato' Wira Othman bin Abdul [ Pendang ]** minta **MENTERI PENDIDIKAN** menyatakan adakah Kerajaan bercadang untuk menempatkan guru-guru di daerah mereka sendiri bagi mengelakkan pasangan duka lara dan berapa ramai lagi pasangan guru duka lara yang masih ada.
12. PR-1341-L71673  
**Dr. Che Rosli bin Che Mat [ Hulu Langat ]** minta **MENTERI SAINS, TEKNOLOGI DAN INOVASI** menyatakan :-
  - a) jumlah geran yang diperuntukkan dalam Teknofund sepanjang 2010 hingga 2015; dan
  - b) berapakah projek R&D dan inovasi yang dapat dibiayai, dan berapa pula yang telah dikomersialkan.
13. PR-1341-L72744  
**Dr. Ismail bin Daut [ Merbok ]** minta **MENTERI KEWANGAN** menyatakan prestasi semasa terbitan Sukuk Malaysia serta unjurannya untuk tempoh 5 tahun akan datang menjelang tahun 2020.

14. PR-1341-L72833  
**Puan Teo Nie Ching [ Kulai ]** minta **MENTERI KEWANGAN** menyatakan senarai penerima dan jumlah peruntukan yang diterima daripada peruntukan sebanyak RM30 juta sebagai sumbangan kepada NGO pada tahun 2015.
15. PR-1341-L72194  
**Dato' Ahmad Fauzi bin Zahari [ Setiawangsa ]** minta **MENTERI PENDIDIKAN TINGGI** menyatakan berapakah jumlah hutang tertunggak yang belum dibayar oleh peminjam Perbadanan Tabung Pendidikan Tinggi Nasional (PTPTN) sehingga tahun 2015 dan apakah inisiatif-inisiatif yang dirangka oleh pihak Kementerian bagi menggalakkan peminjam melangsaikan hutang mereka.
16. PR-1341-L72869  
**Tuan Sim Tze Tzin [ Bayan Baru ]** minta **MENTERI KEWANGAN** menyatakan bilangan kereta dan jumlah kos Proton Perdana Generasi kedua yang dibeli oleh Kerajaan Malaysia.
17. PR-1341-L72828  
**Datuk Dr. Makin @ Marcus Mojigoh [ Putatan ]** minta **MENTERI KEWANGAN** menyatakan :-
- a) berapa ramaikah individu serta syarikat yang belum membayar cukai pendapatan kepada Kerajaan serta jumlah yang terlibat; dan
  - b) berapa ramaikah individu serta syarikat yang telah terlebih bayar cukai kepada kerajaan serta terlibat dan apakah tindakan Kerajaan ke atas wang-wang ini.
18. PR-1341-L72457  
**Puan Siti Zailah binti Mohd Yusoff [ Rantau Panjang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan insentif dan sistem sokongan yang telah disediakan kepada semua pekerja wanita di semua sektor di seluruh negara termasuk kemudahan cuti bersalin, adakah melibatkan pemotongan peruntukan cuti sedia ada, 5 kali cuti kepada semua penjawat awam wanita.
19. PR-1341-L73520  
**Datuk Dr. Ewon Ebin [ Ranau ]** minta **MENTERI SAINS, TEKNOLOGI DAN INOVASI** menyatakan susulan pengumuman pembinaan Pusat Sains Negara (PSN) di negeri Sabah pada November 2015 :-
- a) di manakah lokasi yang telah dikenal pasti dan dan keluasannya; dan
  - b) bila pembinaannya dimulakan serta kos yang terlibat

20. PR-1341-L72084  
**Tan Sri Dato' Seri Abd Khalid bin Ibrahim [ Bandar Tun Razak ]** minta **MENTERI WILAYAH PERSEKUTUAN** menyatakan perancangan menangani isu kenderaan tersadai dalam, di sekitar dan pinggir Bandar Raya Kuala Lumpur yang menimbulkan pelbagai masalah terutama di kawasan perumahan dan penempatan bandar yang berkepadatan tinggi dan sesak.
21. PR-1341-L73468  
**Tan Sri Dato Sri William Mawan Ikom [ Saratok ]** minta **MENTERI KEWANGAN** menyatakan apakah tanda aras yang diguna pakai dalam memacu pertumbuhan ekonomi negara untuk terus berdaya saing dalam keadaan iklim ekonomi global yang tidak menentu pada masa ini.
22. PR-1341-L72566  
**Tuan V. Sivakumar [ Batu Gajah ]** minta **MENTERI KEWANGAN** menyatakan sejauh manakah pihak bank melindungi maklumat peribadi seseorang pelanggan. Sering kali, pihak "*tele marketing*" mendapat maklumat-maklumat peribadi daripada pihak institusi kewangan untuk berurusan dengan mereka. Adakah Bank Negara pernah mengambil tindakan terhadap mana-mana institusi kewangan kerana membocorkan maklumat dan kerahsiaan pelanggan.
23. PR-1341-L71838  
**Datuk Aaron Ago anak Dagang [ Kanowit ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan perancangan pihak Kementerian dalam memperbanyakkan lagi pembinaan rumah mampu milik agar ia dapat memberi peluang kepada belia untuk memiliki rumah pertama mereka di samping dapat membantu rakyat yang kurang berkemampuan.
24. PR-1341-L72197  
**Puan Hajah Zuraida binti Kamaruddin [ Ampang ]** minta **MENTERI DALAM NEGERI** menyatakan tentang kebaikan kemasukan 1.5 juta pekerja Bangladesh secara berperingkat ke dalam Malaysia.
25. PR-1341-L72534  
**Dato' Haji Mohd Fasih bin Haji Mohd Fakeh [ Sabak Bernam ]** minta **MENTERI PERDAGANGAN ANTARABANGSA DAN INDUSTRI** menyatakan adakah Kerajaan bercadang melaksanakan dasar pelupusan kenderaan lama bagi membantu pertumbuhan industri automotif negara dan sejauh manakah Perjanjian Perkongsian Trans-Pasifik (TPPA) memberi manfaat kepada industri automotif Negara khususnya dalam menghadapi ekonomi yang mencabar termasuk jangkaan jumlah jualan industri (TIV) yang rendah tahun 2016 ini.
26. PR-1341-L73558  
**Tuan Charles Anthony Santiago [ Klang ]** minta **MENTERI PENDIDIKAN** menyatakan sama ada beliau bersetuju dengan penilaian Bank Dunia bahawa tahap pendidikan di Malaysia lebih merisaukan berbanding dengan hutang isi rumah. Apakah tindakan Kerajaan untuk membaik pulih sistem pendidikan di Malaysia.

27. PR-1341-L73287  
**Dato' Hasan bin Arifin [ Rompin ]** minta **MENTERI PENGANGKUTAN** menyatakan bagaimanakah pelaksanaan Sistem Pemberian Mata Demerit Kesalahan Jalan Raya (KEJARA) dilaksanakan dan adakah ia juga melibatkan saman oleh Sistem Penguatkuasaan Automatik (AES).
28. PR-1341-L72655  
**Dato' Ngeh Koo Ham [ Beruas ]** minta **MENTERI DALAM NEGERI** menyatakan kenapa permohonan permit pekerja asing hanya boleh dibuat di Ibu Pejabat Imigresen di Putrajaya dan tidak melalui cawangan-cawangan imigresen atau secara *online*.
29. PR-1341-L72843  
**Ir. Shaharuddin bin Ismail [ Kangar ]** minta **MENTERI PERTANIAN DAN INDUSTRI ASAS TANI** menyatakan apakah jaminan Kerajaan agar tidak berlaku ketirisan daripada "Program MyBeras" bagi setiap keluarga miskin tegar dan apakah jenis tindakan yang bakal diambil oleh Kerajaan terhadap pembekal sekiranya wujud ketirisan supaya bantuan beras ini dapat diterima oleh golongan yang memerlukan terutamanya warga Perlis rata-ratanya adalah golongan berpendapatan rendah.
30. PR-1341-L73437  
**Dato' Haji Mahfuz bin Omar [ Pokok Sena ]** minta **MENTERI DALAM NEGERI** menyatakan :-
- a) apakah kebenaran untuk membawa masuk 1.5 juta pekerja Bangladesh telah mengambil kira hampir 4 juta pekerja asing tanpa izin yang sedia ada di Malaysia dan senarai majikan dan syarikat syarikat yang memohon untuk membawa masuk pekerja Bangladesh; dan
  - b) apakah langkah langkah penyelesaian Kerajaan terhadap hampir 4 juta pekerja asing tanpa izin sebelum dibawa masuk 1.5 juta pekerja sah dari Bangladesh.
31. PR-1341-L72709  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **PERDANA MENTERI** menyatakan jumlah Program Perumahan Rakyat 1Malaysia (PR1MA) siap dibina, dalam pembinaan dan akan dibina sejak dilancarkan pada tahun 2011 sehingga kini. Nyatakan secara terperinci mengenai skim pembiayaan sewa beli (*Rent-to-Own*) dan skim pembiayaan 110% yang telah diperkenalkan pada tahun 2014 untuk membantu pembeli rumah PR1MA.
32. PR-1341-L72520  
**Tuan Ramkarpal Singh a/l Karpal Singh [ Bukit Gelugor ]** minta **MENTERI DALAM NEGERI** menyatakan nama penuh suspek yang disiasat berkenaan Bukit Tengah Repot No: 11899/13 yang disiasat oleh Balai Polis IPD Bandar Perda.

33. PR-1341-L71762  
**Datuk Wee Jeck Seng [ Tanjong Piai ]** minta **PERDANA MENTERI** menyatakan apakah peranan Suruhanjaya Pengangkutan Awam Darat atau (SPAD) dalam mengawal selia untuk pengeluaran lesen kenderaan komersial melebihi 5 tan.
34. PR-1341-L73339  
**Tuan Wong Chen [ Kelana Jaya ]** minta **MENTERI DALAM NEGERI** menyatakan :-
- a) jumlah bilangan terkini pekerja-pekerja Bangladesh di Malaysia (sah dan tidak sah); dan
  - b) bilakah pekerja-pekerja Bangladesh seramai 1.5 juta orang tersebut akan dibawa masuk ke Malaysia.
35. PR-1341-L72484  
**Puan Hajah Normala binti Abdul Samad [ Pasir Gudang ]** minta **MENTERI KOMUNIKASI DAN MULTIMEDIA** menyatakan berapakah jumlah kes kesalahan di bawah Akta Hasutan 1948 yang telah diselesaikan oleh pihak SKMM berkaitan dengan fitnah yang ditaburkan di media sosial dan apakah bentuk tindakan atau hukuman yang dikenakan ke atas mereka.
36. PR-1341-L71984  
**Tuan Ng Wei Aik [ Tanjong ]** minta **MENTERI DALAM NEGERI** menyatakan hasil siasatan terhadap repot-repot polis TG PIANDANG/001063/15 dan NIBONG TEBAL/009923/15. Sila nyatakan tindakan-tindakan selanjutnya yang akan diambil terhadap kes-kes yang telah dilaporkan.
37. PR-1341-L73176  
**Tuan Lim Guan Eng [ Bagan ]** minta **MENTERI KEWANGAN** menyatakan mengapa janji Kerajaan Pusat untuk membina 9,999 unit rumah di Air Itam dan Air Putih, Pulau Pinang melalui 1MDB tidak dilaksanakan. Senaraikan kos pembelian dan mengapa 100% hak tanah tidak dimiliki.
38. PR-1341-L72092  
**Raja Dato' Kamarul Bahrin Shah [ Kuala Terengganu ]** minta **PERDANA MENTERI** menyatakan apakah nasib pelajar-pelajar yang biasiswa pelajaran tinggi ke seberang laut telah dibatalkan dan sehingga bilakah pembatalan biasiswa ini akan kekal.
39. PR-1341-L72784  
**Tuan R. Sivarasa [ Subang ]** minta **MENTERI DALAM NEGERI** menyatakan alasan Lembaga Penapis Filem melarang 31 adegan/babak dalam filem "Banglasia" oleh Namewee (Wee Meng Chee), sedangkan filem penuh sepanjang 90 minit ini ditayangkan di Singapura.
40. PR-1341-L72638  
**Puan Nurul Izzah binti Anwar [ Lembah Pantai ]** minta **MENTERI LUAR NEGERI** menyatakan maklum balas keputusan Pertubuhan Bangsa-Bangsa Bersatu yang mengumumkan Datuk Seri Anwar Ibrahim sebagai tahanan politik dan harus dibebaskan dengan serta-merta.

41. PR-1341-L71816  
**Tuan Fong Kui Lun [ Bukit Bintang ]** minta **MENTERI PELANCONGAN DAN KEBUDAYAAN** menyatakan bilangan ketibaan pelancong asing dari pelbagai negara sepanjang 3 tahun lalu dan bagi tempoh pelaksanaan perjalanan tanpa visa.
42. PR-1341-L72279  
**Dato' Takiyuddin bin Hassan [ Kota Bharu ]** minta **MENTERI DALAM NEGERI** menyatakan adakah Kerajaan sedia mempertimbangkan cadangan pelaksanaan hukuman tahanan rumah (*home detention*) di negara ini.
43. PR-1341-L72022  
**Puan Hajah Fuziah binti Salleh [ Kuantan ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah penganjur Himpunan Baju Merah pada 16 September 2015 telah membayar kos pembersihan di Padang Merbok. Jika belum, bilakah Kementerian akan ambil tindakan terhadap mereka.
44. PR-1341-L73455  
**Tuan Wong Ling Bui [ Sarikei ]** minta **MENTERI SUMBER MANUSIA** menyatakan berapakah jumlah orang yang mencari pekerjaan telah didaftarkan di Jabatan Tenaga Kerja. Adakah Jabatan Tenaga Kerja memainkan peranan dengan berkesan.
45. PR-1341-L73083  
**Tuan Mohamed Hanipa bin Maidin [ Sepang ]** minta **MENTERI PENGANGKUTAN** menyatakan :-
- a) apakah status siasatan ke atas isu kos pembaikan KLIA 2 sebanyak RM76.5 juta sebagaimana jawapan Menteri kepada soalan saya 21 Oktober 2015 dan juga sebagaimana laporan SPRM yang dibuat oleh saya pada 29 Oktober 2015.; dan
  - b) adakah selepas kos pembaikan sebanyak RM76.5 juta KLIA 2 yang dinyatakan di (a) di atas, wujudnya kos kerja-kerja pembaikan kerosakan tambahan di KLIA 2 dan jika ada apakah kerosakan-kerosakan tambahan itu dan berapakah kos pembaikannya sehingga 15.2.2016.
46. PR-1341-L71612  
**Datuk Sapawi bin Ahmad Wasali [ Sipitang ]** minta **MENTERI PENGANGKUTAN** menyatakan langkah yang dilaksanakan bagi membantu meringankan beban pengguna penerbangan domestik di Sabah dan Sarawak, memandangkan caj penerbangan domestik di kedua-dua negeri tersebut dikatakan agak tinggi sekarang berbanding dahulu.
47. PR-1341-L72752  
**Tuan Che Mohamad Zulkifly bin Jusoh [ Setiu ]** minta **PERDANA MENTERI** menyatakan sama ada bercadang untuk menambah lebih banyak Pusat PERMATA Kurnia dalam membantu menyediakan program pra-sekolah bagi kanak - kanak autisme di seluruh negara.

48. PR-1341-L73516  
**Datuk Koh Nai Kwong [ Alor Gajah ]** minta **MENTERI PENDIDIKAN** menyatakan apakah hasil kajian mengenai pendidikan seks berkemungkinan untuk dirangkumi dalam kurikulum tambahan sekolah untuk mengelakkan isu kehamilan yang tidak dirancang dan pembuangan bayi di kalangan gadis remaja.
49. PR-1341-L72724  
**Tuan Sim Tong Him [ Kota Melaka ]** minta **PERDANA MENTERI** menyatakan tentang kedudukan Biasiswa oleh JPA untuk tahun 2016 :-
- a) adakah Kementerian telah membuat keputusan untuk menghentikan bayaran Biasiswa kepada pelajar cemerlang ke luar negeri mulai tahun 2016; dan
  - b) apakah akan kedudukan pelajar yang masuk tahun kedua dan ketiga yang sedang dalam pengajian.
50. PR-1341-L72550  
**Tuan Manivanan a/l Gowindasamy [ Kapar ]** minta **PERDANA MENTERI** menyatakan :-
- a) apakah langkah-langkah drastik yang telah diambil oleh beliau dan Jabatan Perdana Menteri untuk mematuhi titah Majlis Raja-Raja Melayu berkaitan dengan kenyataan yang dikeluarkan oleh Penyimpan Mohor Besar Raja-Raja Melayu bagi pihak Raja-Raja Melayu, berkenaan dengan Mesyuarat Majlis Raja-Raja Melayu yang ke 239 pada 7 Oktober 2015; dan
  - b) senaraikan secara terperinci situasi-situasi di mana Majlis Raja-Raja Melayu mengeluarkan titah mengenai pentadbiran negara dan keyakinan terhadap pemimpin sejak penubuhannya secara formal pada tahun 1948 apabila Persekutuan Tanah Melayu diwujudkan. Apakah akan berlaku sekiranya sesebuah pentadbiran tidak mematuhi titah Majlis Raja-Raja Melayu tersebut.
51. PR-1341-L72681  
**Tuan Shamsul Iskandar bin Mohd Akin [ Bukit Katil ]** minta **MENTERI SUMBER MANUSIA** menyatakan :-
- a) adakah Kementerian bercadang untuk menaikkan kadar pencen ilat dari minima sebanyak RM475 sebulan kepada kadar gaji minima sebanyak RM1,000; dan
  - b) berapakah unjuran kewangan yang terpaksa ditanggung oleh Kerajaan jika kenaikan ini dilaksanakan.



52. PR-1341-L72771  
**Tuan Julian Tan Kok Ping [ Stampin ]** minta **MENTERI KESIHATAN** menyatakan perancangan terperinci terkini pembinaan tempat meletak kereta berperingkat di Hospital Umum Sarawak dari segi kos, jangka masa siap dan lain-lain. Di manakah perolehan secara “*Swiss challenge*” daripada Public Private Partnership-BLMT boleh direalisasikan termasuk juga dengan “hotel-hospital” yang akan dibina.
53. PR-1341-L71728  
**Laksamana Pertama Mohamad Imran bin Abd Hamid (B) [ Lumut ]** minta **MENTERI PENGANGKUTAN** menyatakan mengenai tindakan yang diambil ke atas Laporan Jawatan Kuasa Kira-Kira Wang Negara (PAC) berhubung dengan;
- a) Projek Peningkatan Lapangan Terbang Antarabangsa Kota Kinabalu (DR 6 tahun 2014) dan Projek Pembinaan Kuala Lumpur International Airport 2/ KLIA 2 (DR 11 Tahun 2014); dan
  - b) Penyambungan laluan ERL dari KLIA ke KLIA 2 (DR 6 Tahun 2015) dan Pengurusan aktiviti Penguatkuasaan Jabatan Pengangkutan Jalan (JPJ) (DR 5 Tahun 2015)
54. PR-1341-L73197  
**Dato' Seri Abdul Hadi bin Awang [ Marang ]** minta **MENTERI LUAR NEGERI** menyatakan apakah peranan yang dimainkan oleh negara-negara ASEAN dalam mewujudkan keamanan dan mengurangkan ketegangan di Selatan Thailand.
55. PR-1341-L72620  
**Puan Kasthuriraani a/p Patto [ Batu Kawan ]** minta **MENTERI PENGANGKUTAN** menyatakan semua jenis kesalahan serta kutipan denda dan saman bagi kesalahan-kesalahan tersebut mengikut tahun dari 2008 sehingga kini dan nyatakan bagaimana wang denda serta saman ini digunakan.
56. PR-1341-L72360  
**Dr. Hajah Siti Mariah binti Mahmud [ Kota Raja ]** minta **MENTERI DALAM NEGERI** menyatakan jumlah pekerja asing telah membawa keluarga (isteri dan anak) mereka untuk bekerja di Malaysia dalam sektor binaan dan perkhidmatan pembersihan (*cleaner service*).
57. PR-1341-L73270  
**Dato Sri Dr. Muhammad Leo Michael Toyad Abdullah [ Mukah ]** minta **MENTERI LUAR NEGERI** menyatakan perubahan dari perhubungan Amerika Syarikat dengan Negara Anggota ASEAN semenjak Malaysia mengetuai dialog antara kedua benua ini.

58. PR-1341-L72605  
**Tuan Chua Tian Chang @ Tian Chua [ Batu ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan memandangkan suasana ekonomi yang makin buruk, ramai warga ibu kota dijangka akan hilang pekerjaan atau pendapatan tetap, apakah rancangan Kementerian untuk membantu mereka terutamanya mereka yang menetap di flat PPR.
59. PR-1341-L73138  
**Datuk Liang Teck Meng [ Simpang Renggam ]** minta **MENTERI DALAM NEGERI** menyatakan pendirian pihak Kementerian dalam:-
- a) berurusan dengan pertubuhan antarabangsa yang tidak berdaftar dengan prosedur negara seperti International Organization for Migration (IOM) yang mempunyai pas keselamatan lapangan terbang dan beroperasi di Malaysia secara tidak berdaftar; dan
  - b) difahamkan staf antarabangsa (*foreigners*) dari pertubuhan tidak berdaftar seperti di atas bekerja di Malaysia menggunakan pas lawatan (*tourist visa*). Nyatakan pendirian Kementerian.
60. PR-1341-L73319  
**Dato' Othman bin Aziz [ Jerlun ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan langkah proaktif Kementerian bagi menambah baik Skim Kawalan Harga Barang Musim Perayaan bagi tahun 2016 agar kuasa beli rakyat dapat di pertingkatkan ekoran ketidakpastian ekonomi ketika ini.
61. PR-1341-L73580  
**Tuan Er Teck Hwa [ Bakri ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan jumlah dan lokasi Kedai Rakyat 1Malaysia yang telah beroperasi, dalam perancangan, dan tidak mendapat sambutan dari tahun 2011 hingga 2016.
62. PR-1341-L73592  
**Tuan Oscar Ling Chai Yew [ Sibul ]** minta **PERDANA MENTERI** menyatakan mengapakah biasiswa JPA dibatalkan. Senaraikan dengan mengikut kaum pelajar yang terlibat. Berapa jumlah kekosongan biasiswa JPA ke luar negara yang dibatalkan dan senaraikan juga mengikut negara.
63. PR-1341-L72029  
**Tuan Hee Loy Sian [ Petaling Jaya Selatan ]** minta **MENTERI TENAGA, TEKNOLOGI HIJAU DAN AIR** menyatakan :-
- a) jumlah nilai kontrak dan jangkaan siap keseluruhan untuk projek pembentungan Pakej D52 dan D48 pembinaan rangkaian paip pembentungan di kawasan Petaling Jaya Selatan; dan
  - b) apakah langkah baikpulih akibat daripada turapan jalanraya yang tidak rata dan teruk selepas kerja pengorekan selesai.

64. PR-1341-L71780  
**Tuan M. Kulasegaran [ Ipoh Barat ]** minta **PERDANA MENTERI** menyatakan :-
- a) jenis kekosongan jawatan dalam sistem kehakiman dan jawatan yang sedang menunggu untuk diisi; dan
  - b) apakah tempoh masa untuk hakim-hakim memberi keputusan selepas perbicaraan penuh.
65. PR-1341-L72921  
**Tuan Mohd Rafizi bin Ramli [ Pandan ]** minta **PERDANA MENTERI** menyatakan perkembangan atau keputusan Panel Penilaian Operasi SPRM dan tindakan selanjutnya (setakat 15 Februari 2016) berhubung kes terhadap YAB Perdana Menteri mengenai dana RM2.6 bilion di dalam akaun peribadi beliau.
66. PR-1341-L72161  
**Tuan Idris bin Haji Ahmad [ Bukit Gantang ]** minta **MENTERI PENDIDIKAN TINGGI** menyatakan adakah Kementerian hendak memperkenalkan semula matapelajaran pendidikan Islam setelah ditiadakan, sedangkan ia dapat membantu pelajar untuk menghadapi cabaran moden pada masa kini di samping menambahkan kualiti graduan politeknik.
67. PR-1341-L73081  
**Datuk Seri Noh bin Haji Omar [ Tanjong Karang ]** minta **MENTERI KERJA RAYA** menyatakan apakah status terkini Projek Lebuhraya Damansara-Shah Alam (DASH) dan adakah sebarang kekangan daripada Kerajaan Selangor. Sekiranya ada, apakah kekangan tersebut.
68. PR-1341-L71893  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan langkah-langkah yang diambil untuk memastikan pekerja-pekerja tidak ditindas dalam perjanjian TPPA.
69. PR-1341-L73631  
**Datuk Abd Rahim bin Bakri [ Kudat ]** minta **MENTERI PENGANGKUTAN** menyatakan apakah tindakan yang akan diambil oleh Kerajaan sekiranya pencarian pesawat MH370 menemui jalan buntu sehingga tarikh akhir pencarian pada Jun 2016. Adakah Kerajaan meneruskan pencarian atau sebaliknya.
70. PR-1341-L72491  
**Dr. Ong Kian Ming [ Serdang ]** minta **MENTERI SUMBER ASLI DAN ALAM SEKITAR** menyatakan sumbangan spesifik Tun Abdullah Badawi dan rombongannya di Persidangan COP21 di Paris pada tahun 2015 dan kos yang ditanggung oleh Kerajaan untuk rombongan beliau dari segi penginapan, pengangkutan, per diem, dan lain-lain.

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri Kewangan**

- \* Rang Undang-Undang Perbekalan Tambahan (2015) 2016.

---

\* Menandakan bahawa Rang Undang-undang ini akan dibawa pada semua peringkat di mesyuarat ini.

### **ATURAN URUSAN MESYUARAT DAN USUL-USUL**

1. **Usul dibuat oleh Yang Berhormat Tuan Haji Ahmad Lai bin Bujang [ Sibuti ] dan masalah dicadangkan :-**

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Keempat, Parlimen Yang Ketiga Belas.”

#### **Menyambung semula Perbahasan atas masalah (21 Mac, 2016)**

- |    |                |  |                               |
|----|----------------|--|-------------------------------|
| 2. | (D.R. 36/2015) | Rang Undang-undang Keselamatan Sosial Pekerja (Pindaan) 2015                         | <b>Bacaan Kali Yang Kedua</b> |
|    |                | <b>[Menteri Sumber Manusia]</b>  |                               |
| 3. | (D.R. 30/2015) | Rang Undang-undang Syarikat 2015   | “                             |
|    |                | <b>[ Menteri Perdagangan Dalam Negeri, Koperasi dan Kepenggunaan ]</b>               |                               |
| 4. | (D.R. 29/2015) | Rang Undang-undang Skim Kepentingan 2015.  | “                             |
|    |                | <b>[ Menteri Perdagangan Dalam Negeri, Koperasi dan Kepenggunaan ]</b>               |                               |
| 5. | (D.R. 34/2015) | Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. | “                             |
|    |                | <b>[ Menteri Dalam Negeri ]</b>  |                               |
| 6. | (D.R. 37/2015) | Rang Undang-undang Profesion Undang-undang (Pindaan) 2015                            | “                             |
|    |                | <b>[Menteri di Jabatan Perdana Menteri]</b>  |                               |

7. (D.R. 39/2015) Rang Undang-undang Kanak-Kanak “  
(Pindaan) 2015  
**[ Menteri Pembangunan Wanita,  
Keluarga dan Masyarakat ]**
8. (D.R.9/2015) Rang Undang-undang Kanun Tatacara “  
Jenayah (Pindaan) 2015  
**[Menteri di Jabatan Perdana Menteri ]**
9. (D.R.12/2015) Rang Undang-undang Keterangan “  
(Pindaan) 2015  
**[ Menteri di Jabatan Perdana Menteri ]**
10. (D.R.1/2016) Rang Undang-Undang Bekalan Gas “  
(Pindaan) 2016  
**[ Menteri di Jabatan Perdana Menteri ]**
11. (D.R.35/2015) Rang Undang-undang Persaingan “  
(Pindaan) 2015  
**[Menteri Perdagangan Dalam Negeri,  
Koperasi dan Kepenggunaan ]**

12. PR-1341-U72985  
**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur terutama sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebihan dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

**[ Perdana Menteri ]**

13. PR-1341-U73002

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk kesejahteraan rakyat yang menggunakan laluan tersebut."

**[Menteri Kerja Raya ]**

14. PR-1341-U73023

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia."

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

**[Menteri Pendidikan ]**

15. PR-1341-U73036

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahwa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

**[Menteri Sumber Asli dan Alam Sekitar ]**

16. PR-1341-U71877

**Tuan M. Kulasegaran [ Ipoh Barat ]** akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

**[ Perdana Menteri ]**



17. PR-1341-U73419

**Dr. Tan Seng Giaw [ Kepong ]** akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

**[Menteri Dalam Negeri ]**

18. PR-1341-U71858

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

**[ Perdana Menteri ]**

19. PR-1341-U71862

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

**[ Menteri Kesejahteraan Bandar, Perumahan dan Kerajaan Tempatan ]**

20. PR-1341-U71883

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

**[ Perdana Menteri ]**

21. PR-1341-U71884

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia."

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

**[ Perdana Menteri ]**

22. PR-1341-U71886

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

**[Menteri Kewangan ]**

23. PR-1341-U71888

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak espek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

**[Menteri Pendidikan ]**

24. PR-1341-U71890

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

**[Menteri Dalam Negeri ]**

25. PR-1341-U72582

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

**[ Menteri Kesejahteraan Bandar, Perumahan dan Kerajaan Tempatan ]**

26. PR-1341-U72584

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

**[ Menteri Dalam Negeri ]**

27. PR-1341-U72589

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[Menteri Pendidikan ]**

28. PR-1341-U72617

**Tuan Chua Tian Chang @ Tian Chua [ Batu ]** akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

**[Menteri Luar Negeri ]**

29. PR-1341-U72624

**Tuan Chua Tian Chang @ Tian Chua [ Batu ]** akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

**[Menteri Sumber Manusia ]**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2016</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
CMD. 2	Anggaran Perbelanjaan Mengurus Tambahan Pertama , 2015	22 Mac 2016
CMD.2A	Memorandum Perbendaharaan Mengenai Anggaran Perbelanjaan Mengurus Tambahan Pertama, 2015 Bagi Kerajaan Malaysia	22 Mac 2016
CMD. 3	Anggaran Perbelanjaan Pembangunan Tambahan Pertama, 2015	22 Mac 2016
CMD. 3A	Memorandum Perbendaharaan Mengenai Anggaran Perbelanjaan Pembangunan Tambahan Pertama 2015.	22 Mac 2016
CMD. 4	Penyata Keluaran Wang Daripada Kumpulan Wang Luar Jangka Bagi Tempoh Dari 1 Januari 2015 Hingga 31 Disember 2015, Menurut Peraturan 68 Di Bawah Peraturan-Peraturan Majlis Mesyuarat Dewan Rakyat	22 Mac 2016
ST.10	Penyata Keluaran Wang Daripada Simpanan Luar Jangka Bagi Tempoh Dari 1 Januari 2015 hingga 31 Disember 2015 Menurut Seksyen 6(3) Akta Kumpulan Wang Pembangunan 1966	22 Mac 2016